

FFORWM MYNEDIAD LLEOL WRECSAM

AMODAU GORCHWYL

Teitl

1. Bydd y Fforwm Mynediad Lleol yn cael ei adnabod fel Fforwm Mynediad Lleol Wreccsam.

Rolau a Chyfrifoldebau

2. Pwrpas Fforwm Mynediad Lleol Wreccsam yw darparu cyngor i Gyngor Bwrdeistref Sirol Wreccsam, Cyngor Cefn Gwlad Cymru ac eraill fel sy'n briodol. Bydd yn cynghori o ran gwella mynediad cyhoeddus i dir yn yr ardal at ddibenion hamdden awyr agored a mwynhau'r ardal mewn ffyrdd a fydd yn ystyried rheolaeth tir, diddordebau cymdeithasol, economaidd, amgylcheddol ac addysgol.
3. Bydd Fforwm Mynediad Lleol Wreccsam yn cyflawni'r rôl hon drwy cynghori ar faterion o berthnasedd lleol penodol, gan gynnwys:
 - (a) cefnogi gweithrediad yr hawl newydd i fynediad i gefn gwlad agored;
 - (b) gwella'r rhwydwaith hawliau tramwy;
 - (c) datblygu strategaethau sy'n diwallu ar gyfer pob buddiant ar dir mynediad agored;
 - (ch) datblygu strategaethau hamdden a mynediad sy'n diwallu ar gyfer ystod eang o bobl yn ein cefn gwlad.
4. Bydd Fforwm Mynediad Lleol Wreccsam yn gweithio i:
 - (a) ddatblygu ymagwedd adeiladol a chynhwysol at wella mynediad i gefn gwlad;
 - (b) parchu amgylchiadau lleol a buddiannau gwahanol tra'n gweithredu o fewn cyfarwyddyd cenedlaethol;
 - (c) rhoi cyngor ar faterion o egwyddor ac arfer da sy'n gyson â chyfarwyddyd cenedlaethol;
 - (ch) cael trafodaethau adeiladol a cheisio cytundeb, lle'n bosibl;
 - (d) lle na cheir cytundeb, esbonio natur y barnau gwahanol ac awgrymu sut gallent gael eu datrys.

Wrth gyflawni'r gwaith uchod, bydd y Fforwm yn ystyried:

- (a) anghenion rheolaeth tir;
- (b) y dymuniad i warchod prydfferthwch naturiol yr ardal, gan gynnwys y blodau, ffawna a nodweddion geolegol a ffisiograffegol;
- (c) cyfarwyddyd a roddir gan Gynulliad Cenedlaethol Cymru o bryd i'w gilydd;
- (ch) cyswllt priodol gydag awdurdodau lleol cyfagos, fforymau mynediad lleol a rhai eraill â buddiant.

Aelodaeth

5. Bydd yr aelodaeth yn cynnwys:

- (a) cadeirydd ac is-gadeirydd a etholir yn unol â Rheoliadau Fforymau Mynediad Lleol;
- (b) lleiafswm o 10 a mwyafswm o 20 aelod arall a ddylai gynnwys cynrychiolaeth gytbwys o (i) ddefnyddwyr mynediad hamdden a (ii) pherchnogion a phreswylwyr tir – ynghyd â chynrychiolwyr o fuddiannau eraill sy'n arbennig o berthnasol i'r ardal.

6. Bydd yr aelodaeth yn:

- (a) gytbwys i atal unrhyw un buddiant neu gyfuniad o fuddiannau rhag cymryd drosodd;
- (b) cynrychioli croes-doriad o fuddiannau'r ardal;
- (c) byw neu'n gweithio yn yr ardal ac â gwybodaeth gadarn o'r ardal.

7. Disgwylir i aelodau:

- (a) gefnogi pwrpas cadarnhaol y fforwm;
- (b) cydymffurfio â'r adrannau sy'n perthyn i fforymau mynediad lleol yn Neddef Cefn Gwlad a Hawliau Tramwy 2000 ac unrhyw reoliadau a'r amodau gorchwyl hyn;
- (c) dangos ymroddiad i gyflawni amcanion y Fforwm Mynediad Lleol drwy weithio'n adeiladol gydag aelodau eraill;
- (ch) bod yn gallu rhoi o'u hamser i ddod i gyfarfodydd a rhwydweithio tu allan i gyfarfodydd;

- (d) cael digon o brofiad o fynediad i gefn gwlad yn yr ardal i allu wneud cyfraniad call ac adeiladol i wella'r ddarpariaeth;
- (dd) bod yn gallu gweithio gydag ystod eang o grwpiau diddordeb.

Ysgrifennydd

- 8 Bydd gan Fforwm Mynediad Lleol Wreccsam ysgrifennydd a benodir gan Gyngor Bwrdeistref Sirol Wreccsam a fydd yn gyfrifol am:
 - (a) gefnogi cadeirydd y fforwm;
 - (b) sicrhau y sefydlir ac y cynhelir y Fforwm yn unol â Deddf Cefn Gwlad a Hawliau Tramwy 2000, rheoliadau fforymau mynediad lleol a'r amodau gorchwyl hyn;
 - (c) rheoli unrhyw adnoddau sy'n perthyn i'r gwaith;
 - (ch) trefnu a hybu cyfarfodydd, gan gynnwys trefnu cludo papurau a gwybodaeth i aelodau'r Fforwm a'r cyhoedd;
 - (d) cynhyrchu cofnodion o gyfarfodydd y Fforwm.

Cyfarfodydd

- 9 Cynhelir cyfarfodydd o leiaf dwy waith y flwyddyn ac yn amlach yn ôl yr angen, i'w cytuno gan y Fforwm a Chyngor Bwrdeistref Sirol Wreccsam.
- 10 Bydd y Cadeirydd, Is-Gadeirydd a'r Ysgrifennydd yn cytuno ar agendâu – er y gall unrhyw aelodau awgrymu eitemau i'w hystyried.
- 11 Hysbysebir cyfarfodydd ymlaen llaw ac fe'u cynhelir yn gyhoeddus.
- 12 Yn dilyn cais gan aelod neu aelodau, gall y Cadeirydd benderfynu y dylid gwahardd y cyhoedd ar gyfer eitemau penodol am resymau o breifatrwydd personol neu gyfrinachedd masnachol.
- 13 Bydd agendâu, papurau a chofnodion cyfarfodydd y Fforwm a'i isbwyllgorau ar gael i'r cyhoedd.
- 14 Bydd y Cadeirydd yn gwahodd gwylwyr/ymgyngorwyr i'r cyfarfod fel sy'n briodol.
- 15 Gall gwylwyr/ymgyngorwyr gyfrannu at gyfarfodydd yn ôl doethineb y Cadeirydd.

- 16 Bydd gan un cynrychiolydd o Gyngor Cefn Gwlad Cymru a Chynulliad Cenedlaethol Cymru ac unrhyw swyddog o'r awdurdod penodi statws gwylwyr fel mater o drefn.
- 17 Os bydd angen, sefydlir pwyllgorau gan y Cadeirydd ar ôl cytuno gyda'r aelodau.
- 18 Bydd y Cadeirydd a'r aelodau'n cytuno ar drefniadau cadeirio, aelodaeth ac amodau gorchwyl.